

LVIII

D

39

BIBLIOTECA NAZ.
Vittorio Emanuele II

LVIII

D

39

NAPOLI

DE
ANTIQUA
INSCRIPTIONE

NUPER EFFOSSA IN MELITÆ URBE
NOTABILI

DISSERTATIO
COMITIS
JOHANNIS ANTONII CIANTAR



ANNO CIDICCCXXXIX.



*Illustrissimo, ac Reverendiss. Domino Fr. Paulo
Althoran de Russan Archiepiscopo Pelusienfi,
Episcopo Melitæ, & Gaucis, e Dominis
Magne Crucis Sac. Ordinis Hierosoly-
mitani, Regio Consiliario, Pontificio
Solio Assistenti, & ejusdem S. Or-
dinis cersuum de Vauris, Gabre,
& Capoulet Commendatario.*

COMES JOH. ANTONIUS CIANTAR P. F. D.

Pervetustæ hujus Inscriptionis interpretatio om-
nibus titulis, ac rationibus, Tibi, Præsul ampli-
plissime, dedicanda, tuoque Patrocinio sisten-
da est. Sive enim locum, in quo reperta ea est, re-
spicias, ipsam effossam esse noveris in Urbe Nota-
bili, in qua Sedes tua, & Cathedra Pontificia sita
est. Si res in ea descriptas expendas; de Templi
consecratione, ac sumptuoso ædificio ibi agi intelli-
ges. Tu quidem omnium hujus Insulæ Templorum
Antistes audis bene merentissimus: eorumque plu-
rima non a sis Numinibus, sed Deo viventi, &
vero solemnî ritu consecrasti: tantaque integritate,
ac prudentia commissum Tibi Gregem rexisti, ut
Benedictus XIV. Pontifex Opt. Max. Te majori Ec-
clesiarchio Dignum rectè dijudicans, Archiepisco-
pum Pelusiensem, Aula Romana plaudente, crea-
verit. Tu quoque immodicis sumptibus superbus
Ædes in eadem Urbe construxisti, peramplum, in-
quam, Seminarium, in quo Melitenfis Juventa non

minús bonis moribus, quàm literis, scientiisque instruitur : Si temporis, quo ea detecta est, rationem habeas, id esse comperies, quo sub tuis faustissimis Auspiciis inlustre Melitensis Ecclesiæ Capitulum novis, iisdemque eximiis honoribus a prælaudato Summo Pontifice decoratum est. Denique si ipsum Dissertationis Autorem consideres ; is est, qui Tibi, Patruoque tuo memoriæ nunquam interitura Præfuli Fratri Melchiorri Alpheran semper, ac summo-
pere fuit addictus : Cujus quoque elucubrationes, ut
ut vera eloquentiæ, ac eruditionis laude destitutas, humanè ac peramanter legere consuevisti. Excipe igitur benignè, ut soles, Antistes ornatissime, munusculum hoc meum, ut beneficia, quæ mihi contulisti plurima, hoc novo beneficio augeantur. Quo id etiam efficies, ut obsequium, quo non minus virtutem, quàm Dignitatem tuam veneror, foveas, perennesque.

DISSERTATIO

IN antiquiori Melitæ urbe, olim Insulæ cognomine, postea, ut in præentiarum, Notabili, nuncupata, in area, quæ inter Ven. Monasterium S. Benedicti nomine insignitum, Ædesque publicas sita est; nuperrimè effossa sunt tria marmora; in quorum primo insculpta est Epigraphe supra descripta; alterum, ut in Tab. II. delineatum cernitur; tertium autem columnæ capitulo simillimum est: cujusmodi lapides aliàs quoque in eodem tractu reperti fuerant.

• Vetustam hanc Inscriptionem, ut quibusdam eruditis Viris mecum necessitudine conjunctis morem geram, pro tenuibus ingenii mei viribus breviter exponam; licet in gratiam eorum, qui in re antiquaria minùs versati sunt, me nonnulla enucleare oporteat, quæ Antiquariis supervacaneum esset explicare.

Eximium hoc monumentum, etsi temporis dente attritum, utroque latere disrupto, ut observare est in Tab. I., certiores tamen nos facit de sumptuoso, ac superbo ædificio, hætenus ignoto, Majorum nostrorum magnificentiam, splendoremque attestante, scilicet de antiquissimo Fano Apollini sacro cum veteri theatro Melitensi conjuncto, ut infra ostensum ibo.

IPI MEL. PRIMUS, hoc est *Municipii Melitenfis*, vel *Melitensum Primus*; neque enim hujusmodi lectioni refragari putes alterius I, defectum in voce Municipi: siquidem is frequens occurrit in antiquis monumentis: neque tibi deerunt exempla in Inscriptionibus infra adducendis, in quarum una, *Valli pro Collegi* perleges; in altera *Collegi pro Collegii* invenies. Melitam verò, Gaulumque fuisse Romanorum municipia testantur plures nostræ Inscriptiones, adhuc extantes; quarum nonnullas accipe:

...QVI.

..... QUIRO POSTU. MUNICIPII
 ADRIANI PERPETUI. QUINQ. DECUR. JUDIC...
 .. QUATRINGENARIOS ADLECTO A DIVO ANTO..
 PIO OMNIB. HONORIB. CIVITATIS SUÆ HO
 N... E FUNCTO. ITEM LEGATIONE GRATUITA APUD
 HADRIANUM ET APUD AMPLISSIMUM ORDINEM
 DE... ALIB. REDHIBENDIS PLEBS GAULITANA EX
 AERE CON..... PLURA MERITA EJUS V DD. V.

En alteram, in qua idem Postumus Municipii Patronus
inscribitur

M. VALLIO. C. F. QUIRO. RUFO. EQUO. PU
 BLICO. EXORNATO. A. DIVO. ANTONI
 NO. AUG. PIO. PLEBS. CAULITANA EX
 AERE CONLATO. OB. MERITA. ET IN
 SOLACTUM. C. VALLI POSTUMI PATRO
 NI. MUNICIPI. PATRIS EJUS.....
 ATER.....

Postrema dictio a diligentissimo Scriptore (1) nostro
 Joh. Francisco Abela Mater legebatur; in præsentiarum autem
 deleta est.

CESTIO L.F. POMPI GALLO VA
 RENIAO MUNICIPII NATALIA EMI
 LIAO PATRONO MUNICIPII V.M
 ...MARCUS MARCIANUS AMICO OPTM.
 V. KARISSIMO SBI HONORIS CAUSA S.L.

Pro Municipii Patroni titulo; quod in istis Inscriptionibus legitur; in monumento nostro habetur *Municipii Primus*; ut etiam in Græcanica illa Inscriptione, aliàs (2) a nobis relata L. Castricius Iotritius Melitenis, Eques Romanus nuncupatur ΠΡΩΤΟΣ ΜΕΛΙΤΑΙΩΝ, *Protus* seu *Primus Melitenis*. Hujusmodi quoque nuncupatione usus est Apostolicorum Annalium Scriptor; quum gloriosus noster Publius, B. Pauli Apostoli in hæc nostra litora celebri naufragio eiectionis humanissimus hospes Πρώτος τῆς νήσου (3) *Protos*, vel *Primus* insulæ fuerit ab eo appellatus. Patronos verò in Urbe adoptabant Coloniz, & Socii, ut refert Halicarnasseus (4). Melitenses autem fuisse Romanorum Socios paulò infra demonstrabo. Aliam modò Inscriptionem proferamus, in qua perspicuè legitur *Municipium Gaul.* hoc est *Gaulitanum*, ut in nostra Mel. abbreviatum pro *Meliteni* ponitur J U.

(1) Mel. illustr. lib. 2. Not. 6.

(2) De F. Paulo in Mel. Naufragio Dissert. xv. §. 13.

(3) Act. Ap. c. 28. v. 7.

(4) Halicarn. 11. p. 85.

JULIAE D. AE AUG.
 MATRIS C. ORUM
 IMP. CAES. L. SEPTIMI
 SEVERI PERTINACIS
 AUG. . . . JUGI
 MUNICIPIUM GAUL.
 P. P. D.
 CURANTE VI DAPSI
 ANO

Hic obiter notare mihi liceat, quod Abela (1) ævo suo legebat in priori linea DOMIT. . . AE. & interpretabatur *Domitiana*. Sed hujusmodi cognomentum in nullo, quod sciam, antiquo monumento tributum est Juliae Septimii Severi conjugis; quam tamen *Domna* cognomine insignitam novimus; ut ibi legendum putamus. In secunda verò linea CAST. AUGUSTORUM idem Scriptor legebat: Hodie autem non apparent nisi literæ illæ C. . . . ORUM, idest *Castorum*, ut ego arbitror. Namque illa Imperatrix appellata fuit Mater Castorum, quod Senatus, Populusque Romanus ei tamquam Faustinae Filiae eisdem honores detulit, ut asserit doctissimus Patinus (2), allegans verba Capitolini (3), qui de Faustina hæc tradit. *Dianam Marcus a Senatu appellatam gratulatus est, quam secum in æsti-*

(1) Melir. illustr. lib. 8. not. 6.

(2) Carol. Patin. Num. in Julia

(3) Capitol. in Aurel.

æstivis habuerat, ut Matrem Castrorum appellaret. Sed redeamus in orbitam.

Satis igitur exploratum est, prioribus nostræ Inscriptionis literis *Municipium Melitense* exprimi. Eruditorum verò nullus ignorat, *Municipia* fuisse oppida jure Civium Romanorum donata. Duo tamen genera *Municipiorum* fuisse, ut ait Goltzius, & alii apud Pitiscum (1). Primum quibus civitas cum jure suffragiorum; alterum quibus sine suffragio data erat. Illi dare Quiritibus honores, & capere poterant; isti non ita: Sed in legionibus ut cives, non in auxiliis ut socii adscribebantur. *Municipes* e suis civibus regebantur, suisque moribus, ac legibus vivebant, & ubi vellent, Romam ire ad suffragium ferendum, & ipsi Magistratus capere poterant, ut asserit Manutius (2) & alii. Ante legem Juliam Coloniarum, urbesque foederatæ *Municipia* dicta sunt, ut habet præallegatus Pitiscus. *Municipia* verò fuisse ante Civitatem Sociis, & Latinis donatam colligitur ex hisce Tullii verbis (3). *Erat adscriptus in id municipium* (Neapolitanum) *ante civitatem sociis, & Latinis datam.* Melita verò nostra nedum erat *Municipium*, sed etiam Romanorum *Socia* audiebat. Testis est ipse Tullius: *Teque, Regina Juno, cui duo Fana duabus in Insulis Sociorum Melitæ, & Sami* (4). Quibus dictis nihil clarius, nitidiusque. In ea quidem servabatur forma Romanæ Reipublicæ. Etenim si ordines spectentur, erant Decuriones, Equites, & Populus: Si Magistratus, erant Sacerdotes, Triumviri, Quatuorviri, Quæstores, Curatores, & alii; ita ut in hac Insula species aliqua

B

qua

(1) Lex. ant. Rom. lit. M.

(2) De Civit. Rom. Thes. ant. Rom. Græv. tom. 1. p. 30.

(3) Cic. Fam. XIII. 30.

(4) Verr. 5.

qua inspiceretur, ut Cl. V. Ludovici Muratori (1) verbis utar, *Romæ ipsius dominantis*. Id plane testantur antiqua nostra monumenta, quorum nonnulla jam supra retulimus, alia verò plura alibi produximus (2). Quin etiam Romanorum nomina sibi attribuerunt Melitenſes: testes sunt, præter Publium, & Lucium Castricium supra laudatos, alii duo, quorum meminit sæpe allegatus Oratorum Princeps (3), videlicet L. Cæjus, & Aulus Licinius, ambo Melitenſes. Quisnam verò fuerit Princeps ille vir Municipii Melitenſis in Epigrapha nostra commemoratus, silentio involvitur; contra quam fieri solet in similibus monumentis, in quibus serè numquam prætermittitur nomen proprium eorum, quorum causa illa facta fuerint. Neque enim id elici potest ex verbis sequentibus.

OMNI...IT. Heic planè desiderantur septem, aut octo literæ: quænam illæ sint, divinare non aſum. Postrema syllaba IT. confusa cum sequenti adverbio *item*, indicare mihi videtur verbum *fecit*, vel *dedit*, aut *posuit*, vel aliud simile. Quid autem ille fecerit, vel dederit, aut posuerit, me ignorare ingenuè fateor: Neque enim ego sum de illis Antiquariis (si tamen hujusmodi nomen promereor) qui mirum quantum ariolari norunt: resque pulcherrimas, mirandasque in monumentis antiquitate obrutis, ac deperditis detegunt, observant, ac interpretantur, quæ neque ipsi eorum Authores unquam excogitaverint: tantum abest, ut eas posterorum memoriæ mandare voluerint.

ITEM AEDem MARMO..... LLINIS CONSACRA-
VIT; hoc est, *item aedem* marmoream Apollinis consecravit,
Et

(1) Ant. Ital. Med. Aev. tit. Dissert. 18.

(2) Loc. sup. cit.

(3) Verr. 6. & Famil. lib. 12. ep. 3.

Et sanè Apollinem in hac Insula cultum fuisse demonstrant antiqua nostra monumenta, in quibus lyra, & tripus insculpti sunt. Siquidem Apollo citharædus fingitur, & Musicus. quia sol temperat omnia, & est, ut ait Suidas, universi harmonia: ideoque palla indutus a Poetis inducitur, quia cithara canit, ut a Nasone (1) describitur:

*Ipsè Dens Vatum palla spectabilis aurea,
Traxit inauratæ consona fila lyra.*

Hinc palla ad Citharædos, Saltatores, & Tragædos translata est. Tripus autem Apollini dicatus est, vel propter numeri ternarii perfectionem, vel propter tres cœli circulos, quorum unum secut Sol; ut asserunt Bullingerus, & alii (2). Tripus vero propriè dicebatur mensa in templo Apollinis Delphici, cui superposita Phœbas vaticinabatur. Tripus iste erat aureus insistent super tricipiti ex aere colubro proxime ad aram, ut tradit Pausanias (3). Hinc Apollini tripus cum serpente dicatus est, ut ait Herodotus (4).

Quidam eruditus Scriptor autumat, Apollinem, præsertim Pythium, Poënis, ac Melitenisibus notum fuisse, quod eum in Africa vixisse conjicit ex fabula, quam ille vocat historiam, serpentis Pythonis ab eo interfecti: cujusmodi monstra vix in alia regione, quam in Africa reperiri poterant, ut ille subjungit (5). Sed hujus fabulæ Scriptores tradunt, quod iste serpens fuit terræ filius, & ante Apollinem ex oraculo in monte Parnaso responsa dare solitus. Illi ex Latonæ partu interitus

B 2

erat

(1) Ovid. Amor. lib. 1. c. 8. v. 59.

(2) Apud Persic. lit. A.

(3) Phœc. p. 329.

(4) Herod. in Calliope.

(5) Ridulph. Venuti Diss. Acad. Etrusc. t. 1. p. 38.

erat fato futurus. Qui ubi sensit Latonam ex Jove gravidam esse, capit illam persequi, ut eam interficeret. Apollo post diem quartum, quam natus esset, Parnasum venit, & Pythonem sagittis interfecit. Equidem *putredo* nihil aliud est, nisi *putredo*; etenim ex hybernis imbribus collectæ aquæ, itagnantesque, modico superveniente calore corrumpuntur; eas postmodum æstivi Solis ardores exsiccant; hinc putredo solvitur, atque evanescit, anasque Poetis data Pythonem canendi Apollineis jaculis transfolium (1).

Ceterum verosimillimum est, quod Apollinem Pythium, Argyrotoxon quoque dictum ab argenteo, splendidoque arcu, quo Pythonem ipse confecit, antiqui Melitæ incolæ non modo coluerint, sed etiam ludos Pythios in ejus honorem celebraverint; sicuti aliæ nationes huic falso numini devotæ eadem certamina peragere consueverunt, ab ipso instituta in victoriæ memoriam, quam de immani illo serpente is reportaverat, ut cecinit Naso (2).

*Hunc Deus arcitenens, & nunquam talibus armis
Ante nisi in damis, capreisque fugacibus usus,
Mille gravem telis, exhausta pene pharetra,
Perdidit effuso per vulnera nigra veneno.
Neve operis famam posset delere vetustas,
Instituit sacros celebri certamine ludos,
Pythia perdomitæ serpentis nomine dictos.*

Præsertim quod hujusmodi certamina in proxima Sicilia erant celebratissima, ob victorias in iis relatas ab Hierone Syracusarum Tyranno: quamobrem Græcorum Lyricorum Distator

(1) Hyginus Fab. 140. Maerq. Sat. l. 1. c. 17.

(2) Ovid. M. etam. lib. 1.

tor (1) cum elegantissimis carminibus , quæ Pythia inscripfit mirum quantum exaltavit .

Præterea apud Pachynum Trinacriæ promontorium , quod non longius LXXX. P. M. , a Melita separatur , summa religione colebatur Apollo , qui Libyæcos Sicaam invasuros , & ad id promontorium adpullos , immissa eis peste , ferè omnes perdidit ; unde *Libyftinus* , seu *Libyftinus* cognominatus est , ut refert Macrobius (2) . Hinc etiam colligi potest , quod Apollinis cultus latere non debuit , quibus semper fuit cum Siculis consuetudo ; quinimo inter Siculos ipsimet accensebantur ; ita ut D. Gregorius (3) Trajanum Melitæ Antistitem inter Siciliae Episcopos adnumerarit ; unde arguere non dubitavit Pirrus (4) , quod Melita insula Sicilia dicitur .

Aedis autem Apollinæ *consecrationem* in Epigraphe nostra commemoratam , Romanorum more , ac ritu peractam fuisse non dubito . Namque Melita , ut vidimus , erat Municipium , & Socia Romanorum , quorum mores , ac vitia ceteræ Provinciæ æmulabantur , ut ait Lipsius (5) . Apud Romanos autem dies *congregationis* templorum erat apprime solemnus , atque festivus . Et sanè immolabantur victimæ super unumquodque altare : canebantur hymni cum tibicine . Templum floribus , frondibusque , fasciolisque versicoloribus exornabatur . Magistratus huic sacro muneri destinatus manum imponebat super januæ stipitem elata voce summum appellans Pontificem , ut eo adjuvante ritè munere suo fungeretur . Coram illo preces , & præca

(1) Pindar. Pyth. 2.

(2) Sat. I. l. c. 17.

(3) Ep. 22. lib. 12.

(4) Not. Eccl. Melit.

(5) De Amphith. quæ extra Rom. c. 2.

scia verba, nempe Dedicationis formulam, iste proferebat; quæ distinctè, ac nimis religiosè ille repetebat, ne quidem syllaba prætermissa, vel minus bene pronunciata. Putabant enim irritum, & invalidum fieri mysterium, si vel unicæ dictonis, aut Syllabæ obliviscerentur, aut eam male pronunciarent. Hæc est, quod maximus Pontifex Metellus, qui erat blæsus, se per plures menses exercuit, ut *Opifera* vocabulum bene pronunciaret. Lucius autem repugnabat solemnitas: siquidem eum prohibebat, ne alba veste functioni assisteret. Quamobrem inimici Horatii Pulvilli, qui templi Capitolini dedicationem peragebat, illum advivere, ut sacram ceræmoniæ perturbarent, falsò evulgatum de morte ejus filii rumore ei annunciantes: at ille amota quavis perturbatione, quod inceperat, perficere perrexit.

Neque ullum templum *consecrari* poterat sine simulacro Numinis, quod erat in medio collocandum; ad cujus pedes ara ponebatur, super quam prima oblatio fiebat ex leguminibus, aqua decoctis, & ex quadam jusculi specie, quæ distribuebantur operariis, qui illud elevassent. Eadem statua nonnunquam collocabatur in quodam tabernaculo, seu sede, quam vocabant *ædiculam*; & spectabat ad occasum, ut qui accedebant adoraturi, vultus ad solis ortum converterent. Nec non tria requirantur in lapide, seu ligno, aut alia, quævis ea fuerit, simulacri materie, ut Deus evaderet, scilicet *ornatus*, *consecratio*, & *oratio*. Primum enim adornabant idolum suppellestiles varia, & pretiosa, quæ imperito vulgo animos obumbraret: sic exornatum, depexumque consecratur; ita consecratum colere, & orare populus non dubitabat.

Primis Romæ Reipublicæ temporibus ad magnos Magistratus pertinebat *consecratio* templorum. Deinde ob discrimina, quæ hac de causa exorta fuerant, ad populi potestatem recur-

recurrere oportuit. Demum res ad Senatum remissa fuit, cum interventu Tribuni plebis, cujus auctoritatem postea sibi adjudicaverunt Imperatores. Sed alias dictiones interpretari pergamus.

ITEMP. RONAO COLUMNAS IIII. idest, *item posuit* *ronao columnas quatuor*; siquidem tertium vocabulum legi nequit ob defectum plurium literarum: neque enim mihi arridet interpretatio cujusdam eruditi concivis nostri, qui legendum ibi putat *Andronao*, quod *andron*, ut ille inquit, *locum angustum virorum* significet. Sed ex voce *andron* qui fiat *andronao*, & quomodo in loco angusto collocari potuissent columnæ ibi descipitæ, penitus ignoro. Præterquam quod *andron* græce *αὐδρὼν* erat aula quadrata, ut ait Vitruvius, in qua convivis, choreis, & ludis vacabant Græci, exclusis feminis; quod his non licebat virorum mensis accumbere. Columnas istas marmoreas ordinis, quem Architecti vocant Jonici fuisse conjicio ex fragmentis, quæ nobis remanent; quorum unum exhibet tabula secunda huic Dissertationi præmissa. Eo autem Architecturæ ordine, ut pore medio inter Doricum, & Corinthium, utebantur antiqui idolorum cultores in construendis templis Junonis, Dianæ, Bacchique. In templis enim Minervæ, seu Bellonæ, Martis, Herculisque adhibebant Doricum, ut magis severum, & horum Numinum majestati congruum. Corinthium vero, ut elegantiores, floribusque, foliisque ornatum, Veneri, Floræ, Proserpinæ, Nymphisque consecrabant; ut autor est prælaudatus Vitruvius. Hinc perspicuum sit, quod olim in hac insula reperiebantur templa quolibet Architecturæ ordine constructa. Nimirum præter Apollinis fanum in Epigraphe nostra descriptum, celebria erant Junonis, Proserpinæ, Herculisque templa. Reapse Herculis, ac Proserpinæ ædum

ædium reliquæ a nostro Abela (1), & Quintino (2) descriptæ, alteras Dorici, alteras Corinthii ordinis fuisse demonstrant.

ET PARA.....ET PODIUM, scilicet *parasænium*, & *podium*. *Parasænium* autem erat locus ex utraque parte scenæ ante ipsam scenam præparando certamini destinatus, ut habet ille antiquitatis promus condus Cælius Rhodiginus (3). *Podium* verò erat parvus murus, qui separabat orchestram a scena in theatris veterum, vel qui circumdabat arenam circi, ve amphitheatri, ne feroces belluæ in spectatores proflirent. In *podio* sedebant Consules, Prætores, aliquo Magistratus præcipui. Quo circa Juvenalis (4) ait:

*Et Capitolinis generosior, & Marcellis,
Et Catulis, Paulisque minoribus, & Fabiis, &
Omnibus ad podium spectantibus*

Cui consonat Prudentius (5).

An quoniam podii meliori in parte sedebant.

Locus autem dignior erat, qui orchestræ proximior. Ideoque Julium Cæsarem suggestum in orchestra admisisse tradit, Svetonius (6). Deinde Imperatoribus exstructus ibidem suggestus eminentior, qui erat tanquam eorum domus. Sed præstat Vitruvium (7) audire nobis tradentem qui *podia* construebantur. *Podii altitudo*, ille inquit, ab libramento *pulpiti*, cum corona & *lysi duodecima orchestræ diametri*. *Supra podium*

co-

(1) Mel. ill. l. 2. not. 6.

(2) Mel. Descript.

(3) Lest. Ant.

(4) Sat. II. v. 145.

(5) Prod. in Symmach.

(6) In Julio.

(7) Vitruv. lib. 5. c. 7.

columnæ cum capitulis, & spiris, altæ quarta parte ejusdem diametri. Revera ejusmodi columnarum nedum sit mentio in epigraphæ nostræ, verum etiam supersunt plura earumdem capitula, & ornamenta in eodem terræ tractu detecta.

Hinc colligitur, ibi fuisse theatrum cum Apollinis æde conjunctum. Nimirum theatra ipsa inanibus Numinibus consecrabantur, atque in illis eorum altaria collocabantur: quapropter Tertullianus (1) illa nuncupavit *omnium Dæmonum templa*. Quod si autem ceteris Diis, quam maxime Apollini ea fuisse dedicata arbitror; quod ipse, ut supra exponebam, Tragædis, Saltatoribus, Citharædis, & Musicis præerat.

Verumtamen haud me præterit, *Podia* quoque templorum porticibus fuisse circumposita ad amovendam turbam profanam, sive ad majorem eorumdem ornatum: Memini etiam me legisse vetustam hanc Inscriptionem: **GENTIS. IVLIÆ. IN. CAPITOLIO. DEFORAS. IN. PODIO. SINISTE-RIORE.** Attamen in monumento nostro mentionem fieri de *podio* theatri, sibi facile suadebit, quicumque aliorum verborum contextum considerabit. Etenim ibi duo distincta recensentur, scilicet Dedicatio Fani Apollinei, quod næ consecrari non potuisset, nisi esset omnibus numeris absolutum, imò & luculenter ornatum, ut supra differebam; & aliud ædificium restauratum, cum *parascenio*, columnis, & *podio*, quæ adamussim theatro conveniunt. Præter quam quod revocare in dubium nemo debet, Melitam illa tempestate florentissimam, Romanorum amicitia, imò societate, moribus, Magistratibus, ac ritibus gaudentem, suum habuisse theatrum, ut plures proximæ Siciliæ urbes illud habuere; sicuti de Agrigento in antiqua, ac diruta Segesta tradunt Mirabella (2) Fazellus

C

(1) De Spectac.

(2) Tab. 4. n. 130.

lus (1) & Carrera (2). Quinimo nonnullæ theatrum, & amphitheatrum habebant, ut Syracusæ. Catanæ autem erant duo theatra præter amphitheatrum, ut affirmant præcitati Scriptores. Et sanè, ut ait Lipsius (3) *si ædificii, aut publici operis ullum genus crebrum in Italia, & provinciis fuit; reperies fuisse, quod ad ludos spectat; ut enim Romani victis gentibus linguam, & mores intulere, sic vitia &c.*

Nibilo tamen secius si quis talibus argumentis, rationibusque non acquiescat; sed de podio Apollineo delubro circumposito in Epigraphæ nostræ sermonem fieri contendat; ei diutius reluctatum non ibo; quinimo ei facem præferam, ut opinionem suam aliquo modo propugnare valeat. Nimirum pro *PARA scenio* legere ille poterit *PARA sitium*, vocabulum æque latinum, & antiquis Romanis usitatum, & a rebus sacris, de quibus in monumento nostro agitur, minimè alienum: alia siquidem vocabula ab aliis excogitata pro istius dimidiatæ vocis interpretatione, veterum inscriptionum stylum, & Romanum præfatum eloquium minimè sapiunt, Verumenim vero Parasitium apud Veteres fuit horreum, in quod primitias sacri frumenti Parasiti recondebant, asserunt Athenæus, (4) Scaliger (5) Meursius (6) & alii (7).

ET PAVIMENTV..... CAVIT. hoc est, & *pavimentum ædificavit*. Pavimentum cum musivo confundunt nonnulli Auctores: ea tamen non nihil differunt. Etenim pavementum solo assignatur, musivum cameris, & absidibus. Quamquam utrum-

-
- (1) Dec. 5. l. 6. c. 1.
 - (2) Mem. Hist. Cat. l. 1. c. 39.
 - (3) Lips. loc. sup. cit.
 - (4) Lib. 6. p. 235.
 - (5) Poet. l. 1. c. 14.
 - (6) De Athen. Artic. l. 3. c. 6.
 - (7) Faber Agonist. l. 2. c. 17.

utrumque opus tessellatione contextum est; attamen ut pavimentum nunquam de camera; ita nec māsivum de pavimento dicitur. En ut ea bene distinguit doctissimus Anastasius (1): *Fecit (Hadrianus) in Patriarchio Lateranensi triclinium majus super omnia triclinia nominis suæ magnitudinis decorata, ponens in eo fundamenta firmissima, & in circuitu laminis marmoreis ornavit, atque marmoribus in exemplis stravit, & diversis columnis, tam porphyreticis, quam albis, & sculptis, cum vasibus, & liliis, simul postibus decoravit cameram cum absida de mīfivo &c. Præfatus verò sacratissimus Pontifex juxta Ecclesiam B. Petri Apostoli fecit in triclinio majori miræ pulchritudinis decoratam absidam de mīfivo ornatam, & absidas duas dextra, lævaque super marmore, & pictura splendentes; & in pavimento marmoreis exemplis stravit.* Hujusmodi marmoreis exemplis, stratum fuisse pavimentum in monumento nostro descriptum arbitror. Namque perantiqui Herculis templi, quod situm est prope portum a Vulturno dictum (*marfascirocco*) rudera, & vestigia perscrutanti mihi compertum est, ejus pavimenti partem, quæ minis obruta ad hæc usque tempora permansit, albis quadratis marmoribus stratam fuisse, & ita concinnatam, ut marmorea exempla in plures lineas essent producta, interque unam & alteram lineam canalis esset effossus, quem terrea materie plenum fossiles invenerunt. Area verò istius Delubri incrustata erat sabulo, terra, gypso, tessericque testarum flavi, & rubri coloris; quæ crustam effecere tantæ duritiei, ut ne quidem plaustrorum per ea loca non raro transeuntium rotis effringi, aut conteri potuerit. Opus hujusmodi cum idiomate a Pœnis accepere prisca Melitenfes. Illi enim fuere primi, qui vias lapidum, silicum, sabulique structura munivere, & consolidaverunt, ut tradit Isidorus (2) *Primum*

C 2

Pœni

(1) Anast. in Hadrian.

(2) Isidor. l. 5. c. 16.

Pæni dicuntur vias lapidibus stravisse : Nec non ipsi nomen fecere *Pænico pavimento*, cujus segmenta ex marmore Numidico fiebant . Idque in usu venisse circa tempora Catonis asserit Festus (1) : *Pavimenta lænica marmore Numidico constrata* significat Cato, cum ait in ea, quam habuit : *ne quis Consul bis fieret* : Dicere possum, quibus villæ, atque ædes ædificatæ, atque expolitæ maximo opere, citro, atque chore, atque *pavimentis Pænicis* stant.

Lingua vero Punica veteres Melitæ incolas loquutos fuisse, præter Scriptorum autoritates, quas heic allegare opus non est, antiqua nostra numismata, & Inscriptiones demonstrant . In gratiam Antiquitatis amatorum unam tantum Epigraphem Punicam adduco; quod ea pluries quidem, sed nunquam exactè divulgata fuerit; sicuti nos ex originali fideliter descriptam diversis exteris Antiquariis contulimus, & modò in Tab. III. huic dissertationi præposita exhibemus

Ex supra expositis elici potest; ædificia, in monumento nostro descripta minimè constructa a fundamentis fuisse, sed aucta, & ornata columnis, *Parascenio*, *Podio*, novoque *pavimento*. Hinc est quod Inscriptio, quam explicamus, secunda est; prima enim, quæ fuit a fundamentis ædis Apollinaris posita, remanet adhuc sepulta, vel prorsus obruta, & deperdita. Quippe is erat priscus mos, ut Magistratus, qui templum dedicaret, nomen quidem suum fronti ejus incideret; qui verò reædificare id faceret, ut in casu nostro, novam sanè Epigraphem poneret, verumtamen antiquam, & ab fundamentis insculptam nequaquam tol'eret, ut animadvertit quidam eruditissimus Conacademicus noster (2) qui in id argumentum multa scitu digna conscripsit.

IN QVOD OPUS VNIVEI LITATE SVA HS
CX.

(1) Lit. P.

(2) Mem. Reg. Acad. Inscript. Vol. I. p. 199.

CXDCCXCII; idest, in quod opus universum ex liberalitate sua (dedit) sestertios nummos centundenos mille septingentos nonaginta duos. Veteres enim pro sestertio scribebant HS, vel IIS; quod duæ linæ binos asses, S semissem notat. Sestertius, inquit Var- (1) quod semis tertius: dupondius etiam, & semis antiquis sesterti- us est, & veteris consuetudinis, ut retro æra dicerentur, ita ut semis tertius, semisquartus pronunciarent. Brevius, & clarius Vitruvius (2): Denarii quartam partem, quod effusiebatur ex duobus assibus, & tertio semisse, sestertium nostri vocavere. Quibus ad- scrip- tatur Festus (3): Sestertius dicitur quarta pars denarii, quo tempore is decussis valebat, idest dupondius, & semis. Attamen sestertii pretium auctum fuisse testatur Plinius (4): Postea, inquit, Annibale urgente Q. Fabio Maximo Dictatore asses unciales facti; placuitque denarium XVI. assibus permutari, quinarium octo- nis, Sestertium quaternis. Sed hoc extra militaria stipendia; namque statim ipse subjungit: In militari stipendio semper De- narius pro decem assibus datus. Quod etiam de sestertio fortassis intelligi debet. Hoc autem animadvertendum est, quod sestertius masculini generis, haud parum differt a sestertio generis neutrius; etenim sestertius masculini generis, qui etiam sestertius parvus dicitur, erat, ut aiebam, quarta pars Denarii, quæ valebat tres solidos cum semisse monetæ Venetæ; sestertium autem generis neutrius ex mille sestertiis parvis constabat, & valebat viginti quinque Coronatos, seu Philippos; ut liquet ex computationibus Budæi, & Justii Lipsii de re nummaria apud Sertorium Ursatum (5); qui coronatos Budæi, & Philippicos Lip-

C 3

fit

-
- (1) De Ling. Lat. l. 4. c. 36.
 (2) Lib. 3. c. 1.
 (3) Lit. S.
 (4) Hist. Nat. lib. 33. c. 3.
 (5) Monument. Patav. lib. 1. Sect. 24.

si cum scutis Venetis ex libris septem constantibus convenire demonstrat. In Epigraphe nostra sestertios parvos indicari intelligas, qui nisi fallor, efficiunt scuta Veneta ex libris septem constantia, *duo millia septingenta quinquaginta sex, libras tres, solidos decem et septem.*

Atque heic operæ pretium est aliquot Inscriptiones antiquas in medium proferre; in quibus sestertiorum utriusque generis fit mentio. Et primò unam ex Grutero (1) producā, in quodam Helvetiorum pago repertam, in qua, sicut in nostra, sestertii parvi consueta nota HS. describuntur.

DEÆ AVENT
T. TERTIUS
SEVERUS
CUR. COLON
IDEMQ. ALI
CUI INCOLÆ
AVENTICENS
PRIM. OMNIUM
OB EJUS ERGA
SE MERITA
TABULAM ARG.
P. L. POSUER.
DONUM D. S. P.
EX HS. N. CC. L. DXL.

(1) Idscr. Ant. fol. 110. n. 3.

Quæ postremæ literæ in indicibus ad Gruterum a Josepho Scaligero concinnatis, *cap. de notarum, ac literarum singularum vocum abbreviatarum interpretatione*, ita explicantur: *De sua pecunia, vel de suo posuit ex sestertiorum nummorum ducentis quinquaginta millibus quingentis quadraginta*. En aliam, & quidem pulcherrimam ex C. L. V. Joh. Antonio Gorio depromptam (1):

— M. JUNIUS SABINUS
 III VIR AEDILICIAE. POTEST
 ET. LEGE. JULIA MUNICIPALI
 PATRONUS
 COLLEGI. CENTONARIORUM
 FRONTEM TEMPLI
 VERVIS ET HERMIS
 MARMOREIS PECUNIA SUA
 ORNAVIT ET IN TUTIONE
 DEDERIT HS
 N. CCXXXII.

Hoc est in tutionem dederit sestertios nummos ducentos quinquaginta duos. Sicuti etiam legitur in Frustulo marmoreo apud Uriatum (2): ET. IN. TUTIO ... HS. CCCIDDDC.

Re-

(1) Inscr. ant. Part. 2. p. 153.

(2) Mon. Pat. lib. 1. Sc. 1. 2.

Reliquum est, ut aliquam Inscriptionem producamus, in qua sestertia majora, seu generis neutrius, ex mille sestertiis parvis constantia, notantur - En hanc ex Raph. Fabretto (1):

GN. PLAETORIO. VI VIRO
AUGUSTALI
BISELLIARIO
HONORATO. ORNAMENTIS
DECURIONI
POPULUS. ABELINUS
AERE. COLLATO. QUOD
AUXERIT. EX. SUO. AD
ANNONARIAM. PECUNIAM
HS. X. N. ET. VELA. IN. THEATRO
CUM. OMNI. ORNATU
SUMTU. SUO. DEDERIT
L. D. D. D.

Sestertia heic notata constant ex denis millibus sestertiis parvis, efficiuntque ducenta, & quinquaginta scuta Veneta ex libris septem constantia. Ita pariter apud Ciceronem legimus *sestertium dena* pro denis millibus sestertiis masculini generis, & apud Salustium *sestertium centena* pro centenis millibus sestertiis parvis.

Demum

(1) Inscr. Ant. c. 3. p. 228.

Demum in unaquaque istarum Inscriptionum observare velis ea verba ante, vel post festerii notam apposita, videlicet *de sua pecunia, sumptu suo, pecunia sua*; ut in Epigraphe nostra elegantius habetur *ex liberalitate sua*. Atque hæc de festerii nota, & pretio dicta sint in gratiam eorum, qui nota illa, ac literis numericis, nescio quem *si. um*, *mensuram*, & annum indicari perperam arbitrati sunt. Et sanè si literæ illæ annos denotarent, adeo magnus esset eorum numerus, ut hunc aera nulla complecteretur.

S. Q. ELITENSIVM DESIDERIVM O.
ERIS CONLATIONE D. D. Priores literæ cum sequentibus, quæ desiderantur, Senatui fortassis exprimebant, vel nomen Magistratus, puta QVIRI (is enim sæpe numero legitur in nostris Inscriptionibus (1) qui monumentum hoc fieri curaverit. Reliquas verb dictiones ita legendas esse censeo: *Ob Melitensium desiderium ob merita ejus aeris collationis desit*, dicavit; ut alia monumenta tum apud nos, (2) cum apud alias nationes exstantia terminantur. In quibus frequens est formula, EX AERE CONLATO, vel AERE CONLATO, vel, ut in Epigraphe nostra, AERIS CONLATIONE. Nec non statuas *aere collato* sibi erigi voluerunt Romani Imperatores, ut habent Bullingerus (3), Brifsonius (4), & alii (5). *Legitur & in quibusdam (in)scriptionibus) AERE CONLATO statuum posita. Et interdum statua SUB AERE, interdum SUB AUKO posita significatur*; inquit Brifsonius. Cujus rei causa dici potest ex L. 3. C. de Stat. & Imag. in nostræ Serenitatis imaginem.

(1) Vide binas inscriptiones, quas supra attuli § 4.

(2) Vide Inscript. præall. gal. as, & apud Arelam. lib. 2. not. 6.

(3) De p. flur. lib. 1. c. 23.

(4) De Formis lib. 7 pag. 830.

(5) Fugell. de Stat. Rom. cap. 22.


*ginibus , ac statuis erigendis privatæ collationis injuriam pro-
pulsari præcipimus , ne quid in eis suum collator cognoscat.*


Ex quibus omnibus monumenti nostri vetustas faciliè di-
gnoskitur : idque ante Romanos Imperatores positum fuisse
videtur. Equidem in aliis nostris Inscriptionibus Latinis serè
semper legitur nomen alicujus Imperatoris , aut Imperatricis ;
in hac non item. Præterquam quod rerum in ea descripta-
rum nullus autorum meminit , neque Majores nostri quid-
quam de eis nobis tradidere . Quamobrem adeo antiquum mo-
numentum dignum quidem est , in ædibus publicis , ubi jam
collocatum est , omni cura servari : Quo sanè haud parum glo-
riæ , atque splendoris ad vetustos hujus inclytæ Insulæ fastos
accedit .

IPI MEL PRIMVS OMNI
IT ITEM A EDEM MARMO
LLINIS CONSACRAVIT TEMP
RONA OCOLVMNAS III ET PARA
ET PODI MET PAVIMENTV
CAVIT IN QVOD OPVS VNIVE
LITATES VAHSCX^{III} DCCXCII SQ
ELITENSIVM DESIDERIVMO
RIS CONLATIONE DD.



Tab. 11.









ραζη κ ραζ ρρ η ρ ρ ζ η ζ ζ α ρ ζ
 ραζ η κ ζ ζ ι ρ ζ α ζ ρ ρ ρ ρ ρ
 ο ρ η ρ ρ ρ ρ ρ ρ ρ ρ ρ ρ ρ ρ ρ
 ζ ρ ρ ρ ρ ρ ρ ρ ρ ρ ρ ρ ρ ρ


ΔΙΟΝΥΣΙΟΣ ΚΑΙ ΣΑΡΑΠΙΩΝΟΙ
 ΣΑΡΑΠΙΩΝΟΣ ΤΥΡΙΟΙ
 ΗΡΑΚΛΕΙΑΡΧΗΓΕΤΕΙ











BIDEN
VOLUME

L